

Decreto .../2006, do ...de marzo, polo que se aproba a oferta de emprego público de determinadas categorías de persoal estatutario do Servizo Galego de Saúde para o ano 2006

De conformidade coas previsións contidas na Lei 7/2003, do 9 de decembro, de ordenación sanitaria de Galicia (DOG nº 246, do 19 de decembro), así como do Decreto 206/2005, do 22 de xullo, de provisión de prazas de persoal estatutario do Servizo Galego de Saúde, en orde á convocatoria periódica de procedementos de selección de persoal que garantan os principios constitucionais de igualdade, mérito e capacidade no acceso, procede agora afronta-la oferta pública de emprego para o ano 2006.

O ámbito da dita oferta circunscríbese ás categorías de persoal estatutario incluídas no anexo deste decreto.

En consecuencia por proposta da Conselleira de Sanidade, logo da negociación coa representación sindical no seo da Mesa Sectorial de Negociación do Persoal Sanitario ó Servizo da Comunidade Autónoma e logo de deliberación do Consello da Xunta de Galicia na súa reunión do día ... de de dous mil seis,

DISPOÑO:

Artigo primeiro.- Aprobación da oferta pública de emprego

Queda aprobada a oferta de emprego público do persoal estatutario das institucións sanitarias do Servizo Galego de Saúde para o ano 2006 das categorías incluídas no anexo deste decreto.

Artigo segundo.- Sistema de selección

De conformidade co establecido no artigo 6 do Decreto 206/2005, do 22 de xullo antes citado, en todas as categorías que se convoquen o sistema de selección será o concurso-oposición.

Artigo terceiro.- Promoción interna

3.1.- Reservarase un 50% do total das prazas convocadas en cada categoría para a súa provisión polo sistema de promoción interna.

Non obstante o anterior poderá establecerse unha reserva inferior cando así veña xustificado pola planificación eficiente das necesidades, polas características específicas da categoría ou especialidade ou pola titulación requerida para o acceso

3.2.- Cando o resultado da aplicación da citada porcentaxe dea un resto igual ou superior a 0,5 prazas de reserva, computarase como unha praza a incluír nesta reserva.

3.3.- As prazas non cubertas acumularanse ao sistema de acceso libre.

Artigo cuarto.- Persoas con discapacidade

4.1.- En cada convocatoria reservarase un número de prazas que representen como mínimo o cinco por cento, en número enteiro, das prazas convocadas para seren cubertas entre persoas con discapacidade de grao igual ou superior ao 33 por cento.

A reserva é efectiva naquelas convocatorias que oferten un mínimo de dez prazas da correspondente categoría ou especialidade

En todo caso, en cada convocatoria establecerase o número concreto de prazas que quedan reservadas para persoas con discapacidade ás que puidera corresponder esta cota. Farase constar así mesmo que non se reserva ningunha praza no suposto de que non se alcanzase o mínimo necesario para isto.

4.2.- Os aspirantes que participen nesta quenda, para resultar seleccionados, deberán superar as probas selectivas e acreditar o indicado grao de discapacidade e a compatibilidade co desempeño das tarefas e funcións específicas, nos termos que se fixen nas convocatorias.

4.3.- No desenvolvemento das probas selectivas facilitarase as axudas técnicas precisas para a súa adaptación ás necesidades específicas e singularidades dos aspirantes con discapacidade, logo de petición motivada e nos termos que se establezan na convocatoria.

4.4.- Nas convocatorias farase constar que no suposto de que algún aspirante da cota de reserva de discapacitados supere as probas correspondentes e non obtivera praza, e a súa puntuación definitiva no proceso sexa superior á obtida por outros aspirantes do sistema de acceso xeral, será incluído pola súa orde de puntuación no sistema de acceso xeral.

4.5 .- As prazas non cubertas acumularanse ás restantes prazas do sistema de acceso libre.

Artigo quinto.- Acreditación do coñecemento da lingua galega

Para dar cumprimento á normalización do idioma galego e para garanti-lo dereito dos usuarios dos distintos servizos sanitarios do SERGAS ó uso do galego, así como a promoción do uso normal do galego por parte dos poderes públicos de Galicia, terá que acreditarse o coñecemento da lingua galega nos termos que establezan as correspondentes convocatorias.

Artigo sexto.- Comisións ou grupos de traballo

6.1.- O órgano convocante, en atención ao elevado número de aspirantes, poderá nomear comisións ou grupos de traballo para realizar as tarefas auxiliares de carácter técnico ou organizativo que lles sexan encomendadas, sen que a súa actuación afecte ás competencias e a autonomía dos tribunais de selección.

6.2.- Os membros destas comisións o grupos de traballo absteranse de intervir no procedemento cando se dea algunha das circunstancias previstas no artigo 28.2 da Lei 30/1992, do 26 de novembro, de réxime xurídico das administracións públicas e do procedemento administrativo común.

6.3.- Os membros das comisións ou grupos de traballo percibirán as asistencias previstas no Decreto 144/2001, do 7 xuño, sobre indemnización por razón de servizo ao persoal con destino na Administración autonómica de Galicia ou norma que a substitúa.

Para tal efecto, serán clasificados conforme o artigo 26.2 do devandito decreto.

Disposición adicional.-

As convocatorias adaptaranse ás previsión da Lei 7/2004, do 16 de xullo, galega para a igualdade de mulleres e homes en relación coas condicións de emprego na Administración pública.

Disposicións derradeiras

Primeira.-Facúltase a conselleira de Sanidade para ditar, dentro das súas competencias, as normas precisas para o desenvolvemento deste decreto.

Segunda.-Este decreto entrará en vigor o mesmo día da súa publicación no Diario Oficial de Galicia

ANEXO

CATEGORÍA	Total
ATS/DUE	637
AUXILIAR ENFERMERÍA	514
CALEFACTOR	6
CELADOR	248
COCIÑEIRO	18
CONDUCTOR	4

FISIOTERAPEUTA	25
GRUPO AUXILIAR FUNCIÓN ADMINISTRATIVA	162
GRUPO TECNICO FUNC. ADMTVO.	15
GRUPO XESTIÓN	26
LAVANDEIRA	19
PASADORA DE FERRO	30
PERSOAL SERVIZOS XERAIS	217
PINCHE	152
TECNICO ESPECIALISTA ANATOMIA PATOLÓXICA	6
TECNICO ESPECIALISTA HIXIENISTA DENTAL	6
TECNICO ESPECIALISTA LABORATORIO	52
TECNICO ESPECIALISTA RADIODIAGNOSTICO	52
TECNICO ESPECIALISTA RADIOTERAPIA	10
TELEFONISTA	6
TERAPEUTA OCUPACIONAL	7
TOTAL	2.212